

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 163. Quodnam dicendum Matrimonium contractum clandestinè in
ordine ad incurrendas pœnas statutas clandestinè contrahentibus.

[urn:nbn:de:hbz:466:1-73973](#)

Quæst. 162. Qualiter se gerere debeat ordinarius, dum impedimentum ad eum delatum est.

1. **R**esp. primò: Debet investigare impedimenti veritatem, & si forte ei respondeatur, esse de super dispensatum, debet videre, an dispensatio data sit solum pro foro interno, an etiam pro foro externo. Si data pro solo foro interno; cum ea utpote non operans ultra mentem dispensantis, non proficit pro impedimento delato ad forum contentiosum, non potest illos conjungere. Quintimò, si etiam post matrimonium contractum opponatur impedimentum dirimens, cuius obtenta dispensatio solum pro foro conscientiae, debere illum eos separare, ac cogere ad vitam celibatam ducendam, donec obtineatur quoque dispensatio pro foro externo, tenent Cōn. n. 64. Gutt. n. 60. Sanch. d. 16. n. 15. Castrop. n. 6. qui posterior una cum Pont. L. 5. de marr. c. 36. n. 7. tradit, quod si contrahens falsis testibus probaverit, impedimentum sit oppositum nullum esse, posse Judicem, tametsi falsitatem agnoscat, eos matrimonio jungere, eo quod eo causa publicitas fori externi jam sublata sit.

2. **R**esp. secundò: Si ordinario ex propria notitia, & non ex alterius revelatione constaret de impedimento, debet is etiam ignorans dispensationem de super obtentam esse, eos conjungere; et quod nequeat esse simul testis, & Jūdex; ac proinde ejus scientia nullius sit efficacia ad impedimentum matrimonium. Castrop. n. 7. citans Sanch. d. 15. n. 14. Gutt. c. 60. n. 5. Cōninck. d. 27. d. 7. n. 59. & adducens simile de irregulari petente publicè ordines, quem Episcopus ex irregularitate sibi soli nota nequit repellere juxta c. ex tenore, de temp. ordin. Verum hoc jus correctum esse, iure novo Trid. vicujsalem Episcopus possit repellere, ostendunt alii.

Quæst. 163. Quodnam dicendum matrimonium contractum clandestinè in ordine ad incurrendas pœnas statutas clandestinè contrahentibus.

1. **R**esp. primò: non videri clandestinè contractum in ordine ad dictas pœnas matrimonium, quod justè seu sine culpa omissis denunciationibus, consummatur dein illicitè ante præmissis mittendas denunciations consummatio. Pœna illæ siquidem imposita sunt injustè seu cum culpa clandestinè seu omissis denunciationibus contrahentibus. Sed tales non sunt, qui solum, postquam justè omissis denunciationibus, præceptis alias præmitti ante contractum contraxerunt, dein omissis culpabiliter denunciationibus præceptis præmitti consummationi, matrimonium contraxerunt.

2. **R**esp. secundò: Censeri matrimonium clandestinè contractum in ordine ad has pœnas, quod, eti celebratum coram Parocho & testibus, celebratum tamen est omissis culpabiliter denunciationibus. Si quidem tale matrimonium iure antiquo agitum est clandestinum clandestinitate, supra quam pœna statuta clandestinè contrahentibus cadeant, ut constat ex c. ult. b. t. à jure autem antiquo non est recedendum, nisi per novum expressè corrigitur. Neque obstat, Tridentinum matrimonia clandestina irritare; & tamen non irritare celebrata coram Parocho & testibus omissis denunciationibus; quia non annullavit matrimonium quocunque clandestinum, sed celebratum

sine Parocho, eti aliàs celebratum coram omni populo. Ita tenent Sanch. L. 3. d. 1. n. 7. Ponc. L. 5. c. 37. n. 7. Gutt. c. 75. per tot. Henr. L. 11. c. 6. n. 2. Castrop. §. 14. n. 1. Pirk. b. t. n. 38. contra Pet. Ledesm. q. 45. a. 5. Hurt. d. 5. diff. ult. Molin. Tom. I. de just. tr. 2. d. 176. qui quia putant tale matrimonium non esse clandestinum, excusant illud à pœnis. Unde jam infertur cum Sanch. l. c. d. 1. n. 10. contra Innoc. in cit. c. fin. n. 2. & Abb. ibid. n. 9. alioisque centeri clandestinum, si celebretur coram Parocho, & coram vicinia totaque civitate omissis denunciationibus. Licet enim in hoc casu celebretur publicè publicitate simpliciter, non tamen publicitate legali, eà scilicet, quam jus desiderat, & quam omissam punit; jus enim in hoc casu non punit defectum publicitatis utcumque, sed ejus, quam exigit protali actu, nempe publicitatem per denunciations.

3. **R**esp. tertio: Matrimonium celebratum sine Parocho & testibus in locis, in quibus Trident. non receptum venit nomine clandestini in ordine ad pœnas incurrendas. Sed de hoc paulo post.

Quæst. 164. Quæ pœna contrahentibus clandestine omissis denunciationibus.

1. **R**esp. primò: Prima pœna est illegitimitas prolium natarum ex tali matrimonio, dum illud contractum cum impedimento dirimente consanguinitatis vel affinitatis, non obstante bona fide parentum, dum nimis contrahentes, vel saltem unus eorum ignoravit dictum impedimentum; cum aliàs fili nati ex matrimonio putari invalido ob dictum impedimentum stante bona fide parentum, sint legiti. c. ult. b. t. ubi: Si quis hujusmodi clandestina vel interdicta matrimonia (intellige facta sine denunciationibus) inire presumpserit in gradu prohibito etiam ignorantie, sibiles de tali conjugione suscepit prorsus illegitima censetur, & de parentum ignorantia nullum habutura subsidium: Et mox subiungitur ratio: Cum illi valuer (intellige omissis denunciationibus) contrahentes non expertes scientia, vel saltem affectatores ignorantiae videantur &c. Si quidem probabilis ignorantia non est, si culpabiliter omittantur, quæ requiruntur, & ut talia praecipiuntur. Estque talis ignorantia indirecte voluntaria, & dicitur affectata, ut patet ex recitato texru. Sanch. L. 3. d. 42. n. 1.

2. Circa quam pœnam notandum primò: tale matrimonium clandestinum debere esse invalidum, aliàs ex eo nati non erunt illegitimi. Castrop. cit. §. 14. n. 4. pro ut constat ex cit. textu.

3. Secundò notandum: Tamerit hæc pœna statuatur, dum matrimonium est invalidum ob impedimentum consanguinitatis vel affinitatis, locum tamen etiam habeat, dum matrimonium est invalidum ob quocunque aliud impedimentum dirimens, juxta tamen limitationem mox subiungendam, quia mentio de impedimento gradu prohibiti fit tantum exempli gratiæ. Ratio vero ibi expresa, nimis, quod parentes affectatores ignorantiae videantur, dum debitam & præscriptam in inquirendo diligentiam non adhibuerint, militat in omni alio impedimento. Sanch. l. c. n. 4. Cōninck. d. 27. d. 9. à n. 77. Pirk. b. t. n. 37. Nihilominus Castrop. l. c. n. 3. citans Ponc. l. 5. c. 37. n. 7. censet contrarium, nempe pœnam hanc illegitimitatis prolium tantum habere locum in contrahentibus clandestinè in gradu consanguinitatis vel affinitatis prohibito; et quod textus id tantum exprimat, & pœna non sint extendenda, etiam ubi eadem